



31065 02

Broj: 14-44-108 /17  
Ilidža, 20.11.2017.god.

OPĆINA ILIDŽA

**Općinski načelnik**


PREDMET : Zahtjev,

Molimo Vas da date saglasnost na Informaciju o ugroženosti općine Ilidža od neeksplozivnih ubojnih sredstava i minsko-eksplozivnih sredstava, kako bi istu poslali za slijedeću sjednicu Općinskog vijeća.

S poštovanjem,

DOSTAVLJENO:

1 x Naslov  
1 x a/a



Pomoćnik Općinskog načelnika  
Služba civilne zaštite

Boras Mira, prof.odb.i sig.





31191

09

Broj: 14-44-108/17 - 2  
Ilidža, 22.11.2017.god.

22-11-2017

*[Handwritten signature]*  
*Za Kolegij*  
*Vijeda da*  
*a nasti kao*  
*tačka dnevnog*  
*reda*

OPĆINA ILIDŽA

*Općinsko vijeće*

PREDMET: Dostava informacije,


U prilogu Vam dostavljamo Informaciju o ugroženosti općine Ilidža od neeksplozivnih ubojnih sredstava I minsko-eksplozivnih sredstava za narednu sjednicu Općinskog vijeća.

S poštovanjem,

Prilog kao u tekstu

DOSTAVLJENO:

1x Naslovu  
1 x a/a



Pomoćnik Općinskog načelnika  
Služba civilne zaštite

*[Handwritten signature]*  
Boras Mira, prof.odb.i sig.





Broj: 14-44-108/17  
Ilidža, 20.11.2017.god.



OPĆINA ILIDŽA

**Općinski načelnik**


PREDMET : Zahtjev,

Molimo Vas da date saglasnost na Informaciju o ugroženosti općine Ilidža od neeksplozivnih ubojnih sredstava i minsko-eksplozivnih sredstava, kako bi istu poslali za slijedeću sjednicu Općinskog vijeća.

S poštovanjem,

DOSTAVLJENO:

1 x Naslov  
1 x a/a



Pomoćnik Općinskog načelnika  
Služba civilne zaštite

Boras Mira, prof.odb.i sig.



BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO - OPĆINA ILIDŽA  
OPĆINSKI NAČELNIK  
SLUŽBA CIVILNE ZAŠTITE



BOSNIA AND HERZEGOVINA  
FEDERATION OF BOSNIA AND HERZEGOVINA  
SARAJEVO CANTON - MUNICIPALITY OF ILIDŽA  
MUNICIPALITY MAYOR  
CIVIL AFFAIR DEPARTMENT

**I N F O R M A C I J A**  
**O UGROŽENOSTI TERITORIJE OPĆINE ILIDŽA OD**  
**NEEKSPLODIRANIH UBOJNIH SREDSTAVA**  
**I MINSKO-EKSPLOZIVNIH SREDSTAVA**

Ilidža, Novembar 2017.godine

NOSILAC IZRADE:  
**SLUŽBA CIVILNE ZAŠTITE**

## UVOD

U skladu sa Programom rada Općinskog vijeća Ilidža za 2017.godinu, Služba civilne zaštite Općine Ilidža je uradila Informaciju o ugroženosti teritorije Općine Ilidža od neeksplozivnih ubojnih sredstava i minsko-eksplozivnih sredstava /u daljem tekstu: NUS-a i MES-a/ za period januar 2017.godine – novembar 2017.godine.

U obavljanju poslova zaštite od NUS-a i MES-a Služba civilne zaštite Općine Ilidža, u okviru svoje nadležnosti, primjenjuje Zakon o deminiranju u Bosni i Hercegovini /"Službeni glasnik BiH", br.5/02/ i Zakon o zaštiti i spašavanju ljudi i materijalnih dobara od prirodnih i drugih nesreća /"Službene novine FBiH" br.39/03; 22/06 i 43/10/.

Zakonom o deminiranju u BiH uređena je organizaciona struktura za uklanjanje i izviđanje mina i NUS-a na području Bosne i Hercegovine, utvrđena tijela nadležna za provođenje deminiranja, prava i obaveze osoba koje obavljaju poslove deminiranja, te nadzor nad provođenjem ovog Zakona.

Služba civilne zaštite Općine Ilidža, u saradnji sa kantonalnim i federalnim organima civilne zaštite, preduzela je niz aktivnosti u cilju pronalaženja i uklanjanja NUS-a i MES-a.

## **STANJE UGROŽENOSTI TERITORIJE OPĆINE ILIDŽA OD NUS-a I MINSKIH POLJA**

Minska polja nalaze se na slijedećim lokacijama:

### **MZ Hrasnica I**

Teritorija iznad preduzeća "Famos", iznad kamenoloma Krupac, preko brda Smrdelj do sela Jasen, preko Gušća do Vidovca, od Vidovca do Straišta i sela Zoranovići, a u 2017 su ovi projekti u fazi deminiranja (deminirano oko 60% površine). Zbog loših vremenskih uslova nastavak deminiranja će biti u 2018. godini.

### **MZ Vrelo Bosne**

Dio površine minskog polja Golo brdo na granici sa općinom Hadžići P=100.000m<sup>2</sup> biti će urađeno u 2018 godini.

### **MZ Rakovica**

Teritorije koje se nalaze na potezu: Oštrik, Zenik, Vela, Kokoška, Rudnik, Batalovo brdo - Plješevac.

Iz navedenog se vidi da na području naše općine još uvijek ima rizičnih površina i da će trebati uložiti sredstava za projekte koji su planirani u 2018 godini.

Rizične površine svrstane su u tri kategorije - prioriteta:

1. Prvi prioritet obuhvata deminiranje objekata, infrastrukture i terena koji garantuju održiv povratak i rad;
2. Drugi prioritet obuhvata deminiranje poljoprivrednog zemljišta;
3. Treći prioritet obuhvata deminiranje šumskih kompleksa;

## **POSLOVI NA UKLANJANJU NUS-a I MES-a**

Po elaboratu koji je izdao BH MAC (Centar za uklanjanje mina u BiH) 2001.godine, Općina Ilidža je imala 17.416.100 m<sup>2</sup> rizične površine, što je oko 12% teritorije. Od početka deminiranja 1997. do 15.11.2017.godine deminirano je oko 6.969.939 m<sup>2</sup> svih kategorija pri čemu je iz sredstava Općine Ilidža izdvojeno blizu 2.200.000,00KM.

Izuzetnim zalaganjem i radom rukovodstva BH MAC-a i Regionalnog ureda Sarajevo, izviđača, informatora sa terena i radnika Službe civilne zaštite proglašeno je ukupno bez rizika oko 6.600 000 m<sup>2</sup>, novčano izraženo 16.500 000,00 KM. Na području općine Ilidža ima još minskih polja koje planiramo završiti u 2018. godini i općinu Ilidžu proglasiti čistu od mina.

U 2017. godini započeo je projekat deminiranja „Zoranovići“ površine 3.045.000m<sup>2</sup> za koji je izdvojeno 300.000KM iz Budžeta Općine Ilidža za 2017 godine gdje je do sad urađeno oko 60% od ukupne površine. Implementator je „Centar za obuku pasa za otkrivanje mina u BiH“.







Upućen je zahtjev prema BHMAC-u da se radi projekat MSP (minsko sumnjiva površina) za kompletnu miniranu površinu općine Ilidža. Ovakav način deminiranja MSP pokazao se kao veoma efikasan i isplativ. Bitno je istaći da su ovaj projekat pratile sve ovlaštene institucije sa područja BiH i verifikovan je od BH MAC-a. Sa sredstvima iz Budžeta za 2018 godinu planiramo deminirati sva miska polja i općinu Ilidža proglasiti čistu od mina.

Da bi realizovali preostale projekte za deminiranje potrebno je u Budžetu Općine Ilidža za 2018 godinu planirati finansijska sredstva u iznosu od 300.000,00KM.

Pravilnikom o stručnoj spremi, načinu stručnog osposobljavanja i drugim uvjetima za lica koja mogu vršiti uništavanje NUS-a, načinu osiguranja, prijevoza, skladištenja i uništavanja tih sredstava /"SI.novine FBiH"broj 32/99/ u NUS-a spadaju:

Upotrijebljena a neeksplozivna, rasturena, zaboravljena, zatrpna, potonula sredstva ili na neki drugi način izmakla nadzoru ovlaštenih osoba.

U 2017.godini, do 15.11.2017.godine, prijavljene, pronađene i uklonjene su slijedeće količine NUS-a na prostorima općine Ilidža:

	<i>Ručna bomba</i>	<i>12 kom.</i>
	<i>Tromblon</i>	<i>6 kom</i>
	<i>MB Granata</i>	<i>5 kom.</i>
	<i>Municija</i>	<i>23 kom.</i>
	<i>Zolja</i>	<i>2 kom</i>
	<i>Protivtenkovska mina</i>	<i>1 kom</i>

Zahvaljujući prijavama građana i saradnjom Službe civilne zaštite općine Ilidža i Pete Policijske uprave - Policijske stanice Ilidža, navedena sredstva su bezbjedno uklonile jedinice Federalne uprave civilne zaštite.

U procesu uklanjanja NUS-a i deminiranja terena Služba civilne zaštite saraduje sa općinskim strukturama, BH MAC-om - Regionalni ured Sarajevo, Kantonalnom upravom civilne zaštite, Federalnom upravom civilne zaštite, Peta P.U. - P.S. Ilidža, Domom zdravlja Ilidža, i ostalim subjektima.

Problemi sa kojima se Služba civilne zaštite susreće kada je u pitanju uklanjanje NUS-a i deminiranja MEP-a su:

- nesavjesni građani skidaju trake, kolčeve, table i drugi upozoravajući materijal, izlažući tako svoje živote i živote drugih građana opasnostima koje mogu prouzrokovati ova opasna sredstva;
- nelegalna sječa šume u zoni minskih polja, što smo i sami svjedoci stradanja kako radnika zaposlenih u šumskim gazdinstvima, tako i građana koji sami vrše nelegalnu sječu;
- nesavjesni građani bacaju NUS-a po parkovima, rijekama, izletištim, što nama u civilnoj zaštiti predstavlja dodatni problem oko pronalaska i bezbjednog uklanjanja tih sredstava;
- ometanje deminera prilikom deminiranja, što još više usporava rad na ovom vrlo teškom poslu;
- U BiH dolazi sve manje donatorskih sredstava namjenjenih za deminiranje te je potrebno u Budžetu Općine i dalje planirati sredstva za ove namjene.

Služba civilne zaštite će i u narednom periodu težiti da još bolje i kvalitetnije pristupi ovoj problematici kako bi se nastavio uspješan proces deminiranja na području općine Ilidža, s'obzirom na veličinu rizične površine od mina. Od kada je u nadležnosti Službe civilne zaštite Općine Ilidža zakonska nadležnost koordinacije deminiranja minskih polja nije bilo smrtnih slučajeva od MES-a i NUS-a. Po pitanju deminiranja Općina Ilidža je u prethodnom ciklusu deminiranja bila jedna od uspješnijih općina u BiH. Stoga smatramo da ćemo i u narednom periodu nastaviti ovaj kontinuitet i zavisno od mogućnosti planirati određena finansijska sredstva kako bi Općina Ilidža postala sigurno mjesto življenja.



Butmirska cesta br. 12. Sarajevo, BiH, tel/fax. +387 33 637-229, centrala 775-600

[www.opcmailidza.ba](http://www.opcmailidza.ba), E-mail: [civilna.zastita@opcmailidza.ba](mailto:civilna.zastita@opcmailidza.ba)

